

SKUPŠTINA KANTONA SARAJEVO

ZAPISNIK SA
24. RADNE SJEDNICE SKUPŠTINE KANTONA SARAJEVO, ODRŽANE 28.12.2016.
GODINE SA POČETKOM RADA U 10,00 SATI

Sarajevo, decembar 2016.

Sjednici su prisustvovali poslanici/zastupnici:

STRANKA DEMOKRATSKE AKCIJE

1. Ademović Kemal
2. Delalić Sabahudin
3. Čelik Mirza
4. Čomor Eldar
5. Dovadžija Amar
6. Mešanović Safet
7. Okerić Elmedin
8. Prevljak Fikret

DEMOKRATSKA FRONTA – ŽELJKO KOMŠIĆ

1. Dizdarević Neira
2. Kerla Bibija

SAVEZ ZA BOLJU BUDUĆNOST – FAHRUDIN RADONČIĆ

1. Babić Ana
2. Bajrović Izudin
3. Filipović Selma
4. Lakota Rasim
5. Marić Zvonko
6. Rađo Dževad

SOCIJALDEMOKRATSKA PARTIJA BOSNE I HERCEGOVINE

1. Segmedina Bajramović Srna
2. Šućur Slaviša

NAŠA STRANKA

1. Sabina Ćudić
2. Forto Edin
3. Kojović Predrag

BOSANSKA STRANKA – MIRNES AJANOVIĆ

1. Pleho Haris
2. Rasim Smajić

BOSANSKOHERCEGOVAČKA PATRIOTSKA STRANKA – SEFER HALILOVIĆ

1. Semir Halilović

SAMOSTALNI POSLANICI/ZASTUPNICI

1. Aljović Hamed
2. Mekić Amel
3. Pecikoza Fahrudin
4. Akšamija Goran
5. Bukva Sejo
6. Mehmedagić Mersiha
7. Pindžo Mirsad

TOK SJEDNICE

24. Radnu sjednicu Skupštine Kantona Sarajevo otvorila je predsjedateljica Ana Babić (u daljem tekstu Predsjedateljica) dana 28. decembra 2016.godine u 10,00 sati.

Prema evidenciji Službe sjednici je na otvaranju prisustvovalo 30 zastupnika, što je dovoljan broj za punovažan rad i odlučivanje, svoj izostanak pravdali su zastupnici Mario Vukasović i Kozadra Muhamed.

UTVRĐIVANJE DNEVNOG REDA

Prijedlog dnevnog reda 24. Radne sjednice skupštine Kantona Sarajevo utvrdio je Kolegij koji je održan dana 16.12.2016. godine.

Na osnovu člana 73. Poslovnika Skupštine Kantona Kolegij je prihvatio da se Prijedlog dnevnog reda 24. Radne sjednice dopuni sa sljedećim tačkama:

3. Prijedlog odluke o izmjenama Odluke o osnivanju KJU "Disciplinski centar za maloljetnike" (Razmatrat će se kao tačka 5)
4. Prijedlog odluke o davanju saglasnosti na Plan Vlade Kantona Sarajevo o trajnom stambenom zbrinjavanju fizičkih lica čiji su stambeni objekti potpuno uništeni ili zbog oštećenja nisu za stanovanje na području Općine Vogošća, putem kupovine stambenih jedinica. (Razmatrat će se kao tačka 6)
5. Prijedlog programa rada Skupštine Kantona Sarajevo za 2017. godinu (Razmatrat će se kao tačka 7)

Pristupilo se utvrđivanju Dnevnog reda:

1. Poslanička/zastupnička pitanja, inicijative i odgovori;
2. Prijedlog budžeta Kantona Sarajevo za 2017. godinu;
3. Prijedlog zakona o izvršavanju budžeta Kantona Sarajevo za 2017. godinu;
4. Prijedlog Zakona o inspekcijama Kantona Sarajevo;
5. Prijedlog odluke o izmjenama Odluke o osnivanju KJU "Disciplinski centar za maloljetnike" ;
6. Prijedlog odluke o davanju saglasnosti na Plan Vlade Kantona Sarajevo o trajnom stambenom zbrinjavanju fizičkih lica čiji su stambeni objekti potpuno uništeni ili zbog oštećenja nisu za stanovanje na području Općine Vogošća, putem kupovine stambenih jedinica;
7. Prijedlog programa rada Skupštine Kantona Sarajevo za 2017. godinu;
8. Prijedlog odluke o davanju saglasnosti na Program rada JU „Služba za zapošljavanje Kantona Sarajevo“ Sarajevo za 2017. godinu;
9. Prijedlog odluke o davanju saglasnosti na Finansijski plan JU „Služba za zapošljavanje Kantona Sarajevo“ Sarajevo za 2017. godinu i Odluku o izvršavanju Finansijskog plana JU „Služba za zapošljavanje Kantona Sarajevo“ Sarajevo za 2017. godinu;
10. Prijedlog odluke o davanju saglasnosti na izmjene i dopune Finansijskog plana Zavoda zdravstvenog osiguranja Kantona Sarajevo za 2016. godinu i Odluku o izmjenama i dopunama Odluke o izvršavanju Finansijskog plana Zavoda zdravstvenog osiguranja Kantona Sarajevo za 2016. godinu;
11. Prijedlog odluke o davanju saglasnosti na Program rada Zavoda zdravstvenog osiguranja Kantona Sarajevo za 2017. godinu;
12. Prijedlog odluke o davanju saglasnosti na Finansijski plan Zavoda zdravstvenog osiguranja Kantona Sarajevo za 2017. godinu i Odluku o izvršavanju Finansijskog plana Zavoda zdravstvenog osiguranja Kantona Sarajevo za 2017. godinu;
13. Program rada i Finansijski plan za 2017.godinu:
 - a. JU "Kantonalni centar za socijalni rad";
 - b. KJU "Disciplinski centar za maloljetnike";
 - c. KJU Dom za djecu bez roditeljskog staranja;

- d. KJU "Dom za socijalno zdravstveno zbrinjavanje osoba sa invaliditetom i drugih osoba";
 - e. KJU "Gerontološki centar";
 - f. JU Terapijska zajednica – Kampus Kantona Sarajevo;
 - g. KJU "Porodično savjetovalište";
14. Informacija o stepenu realizacije skupštinskih zaključaka za čiju je realizaciju zadužena Vlada Kantona Sarajevo

Na predloženi Dnevni red primjedbu je imao zastupnik Zvonko Marić koja se odnosila na odluku "par-nepar". Zastupnik Marić je izrazio nezadovoljstvo „zbog čega nije uvrštena u dnevni red tačka koja se odnosi na odluku koja je izazvala velike polemike i uznemirenje javnosti“

SKUPŠTINA JE ZA 24. RADNU SJEDNICU SKUPŠTINE KANTONA SARAJEVO JEDNOGLASNO (32 „ZA“) USVOJILA DNEVNI RED

Predsjedateljica je napomenula da su zastupnici uz poziv za sjednicu, kao informativni materijal, dobili sljedeću:

-Informacija o monitoringu i evaluaciji pojedinačnih podsticajnih mjera Program sufinansiranja zapošljavanja pripravnika VSS, VŠS, SSS i KV stručne spreme, po Javnom pozivu od 16.11.2015. godine i Program javnih radova iz 2016. godine.

Predsjedateljica je zatim je pozvala zastupnike da se izjasne o Zapisnicima sa 22. i 23. Radne sjednice Skupštine Kantona Sarajevo.

Skupština je jednoglasno (32 „ZA“) potvrdila Zapisnik sa 22. Radne sjednice Skupštine Kantona Sarajevo održane 14.11.2016.godine.

Skupština je jednoglasno (32 „ZA“) potvrdila Zapisnik sa 23. Radne sjednice Skupštine Kantona Sarajevo održane 05.12.2016.godine.

AD – 1.

ZASTUPNIČKA PITANJA I INICIJATIVE

Poslanik/zastupnik Segmedina Srna Bajramović postavila je sljedeća pitanja:

" Moje prvo pitanje glasi koliko je doktora i kojih profila u Kantonu Sarajevo raskinulo radni odnos, uzimajući u obzir sve zdravstvene ustanove gdje je Skupština Kantona Sarajevo osnivač ili suosnivač. Obrazloženje: uzimajući u obzir trendove koji su primjetni i u okruženju da veliki broj doktora napušta svoja radna mjesta, smatram kako je u interesu zdravstvene zaštite stanovništva neophodno kontinuirano pratiti navedene indikatore. Ljudski resurs u zdravstvu je najvažniji za vitalnost i funkcionalnost samog sistema gdje je svima poznato kako je za edukaciju istog neophodno značajno vrijeme, što ukazuje kako je u ovom segmentu izuzetno važno imati proaktivnu kadrovsku politiku.

Sljedeće, osim što ste potpuno pogrešno donijeli odluku par-nepar, baš na Božić, želim pitati nadležne iz Vlade Kantona Sarajevo, sljedećih par-nepar pitanja vezanih za procjenu same mjere. Imate li dokumentovanu analizu da na kvalitet zraka utiču baš osobna vozila i u kojoj mjeri ili ste odlučili odokativnom metodom, s obzirom da ste ovom mjerom, zavisno od registracije izjednačili aute koji dramatično zagađuju zrak u odnosu na eko motore. Imate li bilo kakvu dokumentovanu analizu koliki je uticaj kotlovnica na kvalitet zraka, posebno onih neispravnih, kojima ipak dajete mogućnost da rade? Jeste li planirali proširiti mjeru par-nepar u kotlovnica? Imate li analizu koliki je uticaj onoga što izađe iz dimnjaka kuća onih građana koji se griju na drva, ugalj, lož ulje jer ih država godinama pljačka neprimjerenom cijenom plina, pri tome zanemarujući systemske mjere kojim bi subvencionirali ekološke energente u sistemima grijanja. Imate li dokumentovanu analizu uticaja bespravnih ili pravno izgrađenih previsokih i preširokih objekata, kojim onemogućavaju strujanje zraka kroz grad i time direktno utiču na visok stepen zagađenosti? Na kraju, nadam se da ste svjesni kako ste svojom

odlukom par-nepar, koja je pravno neutemeljena kao mjera u smislu efikasnosti upitna, još više ugrozila zdravlje građana jer su duže bili izloženi zagađenom zraku, pa vas molim da pristupite izradi ozbiljnog programa dugoročnih i kratkoročnih mjera koje će kreirati stručnjaci iz različitih oblasti, ekolozi, pravnici, urbanisti, saobraćajni eksperti itd. Kako bi se navedeni problem sistemski započeo rješavati. I u vezi s ovim još samo kratko, podnosim inicijativu, upućujem inicijativu kojom bi se resornim ministarstvima i javnim preduzećima naložila kupovina zaštitnih maski koje mogu filtrirati lebdeće čestice za svoje radnike koji su na svom poslu izloženi višesatnom štetnom djelovanju zagađenog zraka poput policajaca, radnika KJKP Rad i slično. Smatram da ovo ne bi predstavljalo veliki trošak, a zaštitili bi se radnici koliko-toliko".

Poslanik/zastupnik Dževad Rađo je pokrenuo inicijativu:

"prema Ministarstvu zdravstva, a odnosi se da se donese Odluka o izmjeni Odluke o proširenom obimu prava za korištenje ortopedskih pomagala, lijekova, medicinsko-sanitetskih sprava i materijala za ratne vojne invalide sa područja Kantona Sarajevo („Službene novine Kantona Sarajevo“ broj: 13/04 i 11/06) u smislu usklađivanja cijene za ortopedsko pomagalo – očna proteza (akrilatne) sa stvarnom cijenom na tržištu.

Naime, kako u Odluci stoji, za akrilatnu protezu se izdvaja 550 KM. Zavod zdravstvenog osiguranja Kantona Sarajevo u Potvrdi prilikom ovjere piše da je učešće Zavoda 304,20 KM (s PDV-om), a učešće Ministarstva zdravstva 245,80 KM. Sadašnja cijena akrilatne proteze je 600,00 KM bez PDV-a.

Obrazloženje:

Zubotehnički laboratorij i očna protetika vl. Samir Hadžić, koja jedina u BiH izrađuje akrilatne proteze, nije PDV obveznik, tako da vlasnik spori iznos ZZO Kantona Sarajevo od 304,20 KM jer Zavod piše s PDV-om, a kako vlasnik nije PDV obveznik, on ne prihvata pomenuti iznos. Tako da vlasnik izdaje fakturu na kojoj piše da on fakturiše Zavodu samo 260,00 KM (što je valjda iznos bez PDV-a), čime direktno šteti korisnicima.

Cijena akrilatne proteze odavno je poskupila na 600,00 KM, tako da su RVI svakako zakinuti prilikom ostvarivanja prava na zamjenu ortopedskog pomagala jer sada po ovome iz vlastitih sredstava moraju izvršiti doplatu od 94,20 KM.

Najljubaznije Vas molim da razriješite ovu dilemu sa Zavodom zdravstvenog osiguranja Kantona Sarajevo na adekvatan način, uskladite cijenu očne proteze na 600,00 KM, kako bi RVI ostvarili pravo na besplatno ortopedsko pomagalo kako ih i sljedi.

Naglašavam da u Kantonu Sarajevo, po našim saznanjima ima svega oko 10 RVI korisnika ovog ortopedskog pomagala i da godišnje se možda dva ili tri jave za zamjenu istog, što u konačnici iznosi oko 100,00 KM godišnjeg uvećanja Budžeta na ovoj stavci, tako da ovo usklađivanje cijene ne bi znatno oštetilo Budžet Ministarstva".

Poslanik/zastupnik Mirsad Pindžo je prvo izrazio nezadovoljstvo zbog dobijenog odgovora na zastupničko pitanje. "Pitao sam upravu za inspekcijske poslove a onda oni odgovore na pet, šest strana, nabacaju svega i svačega, a ono što nije važno, a ono što je važno kažu nisu nadležni. A i za ono što su nadležni, malo započnu al ne dovrše do kraja jer bi morali onda ući u meritum i vidjeti kršenje zakona. Zato pošto se Kantonalna uprava za inspekcijske poslove pravi nevješta, odnosno ti inspektori koji su to radili ja pitanje sada prosljeđujem Vladi Kantona Sarajevo, pa ako oni misle da to nije nadležnost Uprave za inspekcije, neka oni nađu ko je nadležan pa da mi odgovore, a ako ne znaju, neka oni idu pa da mi oni odgovore. Ne interesuje me ko je, ali neka oni nađu ko su to nadležni da odgovore na sljedeća pitanja:

Stanje svih pojedinačnih tužbi uposlenika, eventualne presude suda, obaveze preduzeća po tužbenim zahtjevima, obaveza preduzeća po presudama uposlenika, da li su presude izvršene, koliki sudski troškovi, kamate i drugo, te eventualne mjere za odgovorne osobe za eventualno kršenje zakonskih propisa i nastalu štetu po preduzeću a radi se o ZOI'84. ovdje je inspekcija rekla da je sud vratio uposlenike i to dvoje, imenom i prezimenom, ali nisu nadležni da kažu kolike su presude i kolika je šteta i imali kršenja propisa. E neko će morati to utvrditi i odgovoriti na to pitanje.

Drugo prodaja osnovnih sredstava preduzeća, pojedinačno po sredstvu, naziv, knjigovodstvena vrijednost, način prodaje, cijena i kupac. Ovdje je bilo puno toga i sada i priče i o konkretnim pojedinačnim slučajevima, ali nikako da se dođe do podataka, e morat će se

doći jer ja neću odustati od toga. I treće pitanje, provođenje zakona, programa sanacije i programa zbrinjavanja tehnološkoga viška. Iz ovog odgovora je vidljivo što Inspekcija naravno neće da se petlja u svoj posao i da konstatuje da je prekršen Zakon jer su primani uposlenici sa istim kvalifikacijama koje imaju oni koji su proglašeni tehnološkim viškom, što je po zakonu nedozvoljeno ako se ne vara, u roku od dvije godine da se ne mogu primiti drugi uposlenici ako među onima koji su otpušteni, proglašeni tehnološkim viškom ima ljudi koji zadovoljavaju uslove a potreba preduzeća je da se ponovo angažuju. Ja zato tražim da Vlada utvrdi koji je to organ nadležan, da naloži kontrolu i dostavi mi precizno ove informacije koje sam već jednom i tražio".

Poslanik/zastupnik Haris Pleho je postavio sljedeće zastupničko pitanje: "Želim da mi se odgovori na pitanje koje upućujem Ministarstvu komunalne privrede, infrastrukture i menadžmentu KJKP VIK u ime 500 domaćinstava koji trebaju da legalizuju svoje objekte koji se nalaze u Regulacionom planu Buča potok I, a ne mogu.

Obrazloženje:

Prema informacijama koje ja imam navedeni objekti su ucrtani u Regulacioni plan Buča Potok I i nalaze se iznad kote 655 i predviđeni su za legalizaciju. A obzirom da ne mogu da dobiju saglasnost od KJKP VIK; samim tim ne mogu da idu u proceduru legalizacije. Svi navedeni objekti priključeni su na vodovodnu mrežu i uredno dobijaju račune. Većina tih objekata je u vlasništvu šehidskih porodica, RVI i izgrađeni su prije agresije. Tražim pismeni odgovor koji su razlozi zbog čega ne mogu da dobiju ove saglasnosti".

Poslanik/zastupnik Mersiha Mehmedagić je imala jedno zastupničko pitanje: "koje upućujem Vladi Kantona Sarajevo, odnosno premijeru Kantona Sarajevo, te Samostalnom sindikatu obrazovanja i odgoja FBiH, Kantonalni odbor Kanton Sarajevo, odnosno predsjedniku. Zastupničko pitanje glasi:

Molim potpisnike Kolektivnog ugovora za djelatnost predškolskog odgoja i osnovnog odgoja i obrazovanja da se očituju po pitanju člana 52 Kolektivnog ugovora i odnosa koeficijenata uposlenika sa VI stepenom, spram uposlenika sa VII stepenom, I i II ciklusom studija po Bolonjskom sistemu studiranja, po pitanju usklađenosti člana 52. Kolektivnog ugovora sa članom 77,. Zakona o radu FBiH i ukoliko se utvrdi neusklađenost sa Zakonom o radu FBiH da se poduzmu sve potrebne u cilju zaštite prava uposlenika, te prevencije štete po budžet Kantona Sarajevo u vidu eventualnih tužbi. Obrazloženje je sljedeće:

Na osnovu informacija od uposlenika u osnovnom obrazovanju VI stepena da su diskriminirani u odnosu na uposlenike I ciklusa sa 180 ECTS bodova na način da početnik bečelor sa 180 ECTS ima koeficijent 3,70 dok viši savjetnik sa VI stepenom ima koeficijent 3,45. molim potpisnike kolektivnog ugovora da provjere navode i poduzmu potrebne mjere kako bi se osigurao princip jednakosti plaća. Pored ovog zastupničkog pitanja izražavam nezadovoljstvo što nikada nisam dobila odgovor ni na jedno pitanje postavljeno Ministarstvu obrazovanja, nauke i mladih. Ponavljam ni na jedno postavljeno pitanje a bilo ih je više, da ih sada ponovo ne čitam".

Poslanik/zastupnik Zvonko Marić je izrazio nezadovoljstvo zbog odgovora kojeg je dobio na postavljeno pitanje VIK-u.

"Što se tiče mog zastupničkog pitanja koje sam postavio a vezano za protuzakonitosti koje se dešavaju u JU Medicine rada, moram kazati da su sve taksativno potvrdili ono o čemu sam govorio. Međutim, šta ćemo dalje? Dakle puno razloga da istražni organi uđu u ovu instituciju i na neki način istraže šta se tu dešavalo. A vezano za to samo bih još dodatna neka pitanja postavio, a to je za doktorat i isplate gdje Tokić, da li je u vrijeme kada joj je isplaćeno imala odluku vijeća o njenom doktoratu, o temi doktorata? Znam da nije. Osoba koja je radila na IT sistemu da li je gospođa Tokić nije potvrdila da je njen zet, a jeste. Da li je njen zet, neka se izjasni. I neka također odgovori na pitanje da li je čovjek ko ji je to radio IT konsalting firma vezan isto za KC i bazu kopiranja podataka. Znamo za tu aferu, a jeste. Što se tiče plaćanja mjesečnog iznosa paušala UO je za svega tri dana posla i ukoliko je paušal plaćen da li se tako postupalo sa svim u UO Zavoda? Zašto je navedeno obrazloženje za produženje ugovora doktorici da je deficitaran kadar a inače je imala uvjete za mirovinu i tako onemogućeno da se

zaposli mladi kadar. Vezano za članstvo dr. Tokić, ona je dala pod materijalnom i moralnom odgovornosti zakletvu da nije član ni jedne stranke, užeg rukovodstva, a jeste. I na koncu, da li je gđa Tokić još uvijek, sedam mjeseci, iako to nema pravo, istekao joj mandat obavlja dužnost u UO i također prima naknade za to? Što se tiče dakle mog drugog pitanja, odnosi se isto, evo kolegica Srna je postavila niz pitanja, ja ću samo zamoliti resorno ministarstvo i ministra Lukića da nam pokaže napokon i objelodani studiju na temelju koje je donesena ta odluka. Ko su ljudi koji su godinu i po dana radili na tim poslovima? Također ako je ikako moguće da nam se izjasni koliko o zagađenosti, da li raspolaže podacima izaziva loša politika građenja, višegodišnja, koja stvara betonske čepove. Evo još jedna rečenica, pa ću u pismenoj formi dati. Betonske čepove zbog zračnih koridora koje je nemoguće ustanoviti više jer očigledno da je to izgubljen posao. I samo na kraju, moramo dobiti te odgovore, jer i veliki Gandi je svojevremeno rekao držati narod u neznanju i bijedi je najveći oblik nasilja".

Poslanik/zastupnik Rasim Lakota je uputio poslaničko pitanje Ministarstvu komunalne privrede i infrastrukture, odnosno menadžmentu KJP Rad.

" Potrebno je da dostavi informaciju za 2016.godinu koja se odnosi na broj podignutih i dovezenih motornih vozila specijalnim vozilom „pauk “ u krug parkinga na Ciglanama, i to :

- 1.Broj motornih vozila koje su uklonili redari za naplatu parking mjesta
- 2.Broj uklonjenih motornih vozila specijalnim vozilom „pauk“ gdje je asistirala policija odnosno na zahtjev policijskog organa;
- 3.Broj uklonjenih motornih vozila po bilo kojem osnovu
- 4.Koliko je novca naplaćeno po ovom osnovu za 2016.godinu?

Obrazloženje:

Obzirom na informacije kojima raspolažem u ovoj službi se krše propisi i time je priliv sredstava u budžetu Kantona manji. U slučaju počinjenog prekršaja ili neplaćanja parking mjesta uz asistenciju policije ili redovne službe JKJP RAD motorno vozilo se doveze u krug parka na Ciglanama. Nakon toga stupa na snagu intervencija (veza tj.korupcija) i onda rukovodstvo PAUK službe vraća vozila vlasnicima bez novčane naknade koju su dužni platiti. U više navrata je zabilježeno da se često vozila vrate bez zakonom propisane naknade, dok u većini slučajeva gdje postoji intervencija naplati se samo usluga premještanja (minimalna naknada). Na osnovu kog zakona neko može učiniti takvu uslugu da ga oslobađa plaćanja koja su propisana Zakonom a ne štetu budžeta Kantona Sarajevo. Hvala.

Poslanik Edin Forto je podnio jednu inicijativu i jedno pitanje:

"Pokrećem inicijativu prema ministarstvu zdravstva da se pokrene formira radna grupa za donošenje nove Uredbe o obimu, uvjetima i načinu ostvarivanja prava osiguranih lica za korištenje ortopedskih i drugih pomagala, endoproteza, stomatološke protetske pomoći i stomatološko-protetskih nadomjestaka sa ciljem boljeg regulisanja prava osoba sa oštećenjem sluha i osoba sa oštećenjem vida. Razlog za ovu inicijativu jeste već ranije smo imali da su kolegice Segmedina Srna Bajramović i Neira Dizdarević već pokretale ovakva pitanja na ovu temu. A da mi u susretu za nizom udruženja grupa građana, prije svega sa predstavnicima udruženja EHO ukazano mi je na potrebu izmjenu ove Uredbe. Posebno ukazujem na propuste kada je u pitanju potrošni materijal i rezervni dijelovi pomagala , koji su ostali u nekoliko primjera bez potpore u programu te tražimo da Ministarstvo zdravstva očituje se4 po pitanju osiguranja pokrića za finansiranje slušnih aparata za svu djecu rođenu sa slušnim problemima. Zvukovoda za slušna pomagala, koheralne implantate, redovno finansiranje baterija za slušna pomagala, i koheralne implantate. Mislim da ministarstvo, molim ih da odgovore na ovu inicijativu te pripremi sastanak u kojem će pozvati zastupnike i udruženja koja su iskazala interes na ovu temu da se kroz javne konsultacije pripreme izmjene ove Uredbe. Ova inicijativa ide pismeno prema vama.

Imam jedno pitanje, a vezano je za nezadovoljstvo za odgovor. Opet se radi naravno o firmi VIK. Dobio sam odgovor na pitanje vezano za curenje vode na dnu stepeništa u ulici Ključka kod broja 2. tamo već par godina izvire voda, i napokon sam prvi odgovor iz VIK-a koji sam dobio, bio sam vrlo sretan gdje su oni rekli da su pristupili rješavanju problema. Međutim, tamo su samo otišli, zatrpali su rupu, dobili smo fotografije od građana koji tamo žive, zatrpana rupa

pijeskom, voda opet pored tog pijeska izlazi, i sada još u skladu sa vremenskim uslovima i ledi. Volio bih da se taj problem riješi a i da dobijemo odgovor od VIK na nekoliko drugih pitanja koja sam postavio vezano za račune građana u zgradi u Kemal begovoj vezano za sistematizaciju radnih mjesta i sve ono što smo do sada tražili a nikako ne dobijamo iz VIK-a. i još jedno pitanje, također od građana, ulica tačnije stepenište Halida Nazečića izvire voda iz zemlje, kao i obično 8 mjeseci i to ne govorimo sada putem Skupštine da bi se to nešto objavilo, nego zbog toga što su građani bezbroj puta zvali VIK zbog ovog problema ali niko još nije izašao na teren".

Poslanik/zastupnik Selma Filipović je uputila dva pitanja:

"Prvo pitanje je za Ministarstvo prostornog uređenja, građenja i zaštite okoliša Kantona Sarajevo. Budući da su nas kontaktirali građani Ilijaša i tom prilikom alarmantnim tonom upozorili na totalnu samovolju u oblasti građenja kojom se narušava izgleda stare čaršije u ovome naselju, najljubaznije Vas molim da mi odgovorite kakav uticaj na urbanistički plan ove općine ima Kanton Sarajevo obzirom da se ova općina nalazi na njegovom prostoru ?

Naime, preduzeće Standard prekinulo je jednu od ključnih komunikacija da bi izgradila svoj pristup. Novim Regulacionim planom nije predviđeno obdanište, apoteka, dom zdravlja, pošta i sve one zgrade gdje su smještene ustanove od izuzetnog značaja za stanovnike Ilijaša. Planiranom gradnjom ugrožene su škola i džamija, i pristupi njima su potpuno nesigurni. Stoga smatram da treba svim zakonom predviđenim sredstvima zaustaviti ovaj urbicid koji višestruko šteti gradu i njegovim žiteljima.

I imam drugo. Prvo imam komentar. Nisam zadovoljna odgovorom na postavljeno pitanje koje sam postavila na prethodnoj sjednici Skupština Kantona Sarajevo. A tiče se sljedećeg: da li je tačno da je KJKP VIK zaposlilo 30 novih uposlenika u radni odnos i da li je ovim zapošljavanjem grubo prekršen moratorij na zapošljavanje u Kantonu Sarajevo. Dobila sam sljedeći odgovor: shodno vašem upitu informišemo vas da se radi o zaposlenicima koji su već bili angažovani u KJKP VIK, na određeno vrijeme, te da su procedure u cijelosti provedene u skladu sa zaključkom Vlade Kantona Sarajevo. Napominjeno da je došlo do promjene postojećih rješenja sa određeno na neodređeno vrijeme, što je bilo neophodno uraditi obzirom na program koji provodimo Sarajevo bez redukcije vode. Nisam zadovoljna odgovorom i ostavljam javnosti i građanima da prosude sami da li je došlo do brutalnog kršenja moratorija. Izgleda što je više zaposlenih u VIK-u sve je manje vode za građane Sarajeva.

Sada se nadovezujem i pitam ponovo, i tražim od Vlade Kantona Sarajevo da mi dostavi imena i prezimena osoba koje su već bile anagažovane u KJKP VIK na određeno vrijeme, odnosno imena i prezimena osoba kojima su izmijenjena rješenja sa određenog na neodređeno vrijeme".

Poslanik/zastupnik Neira Dizdarević je iskazala zadovoljstvo odgovorom ministarstva zdravstva Kantona Sarajevo i prihvatanjem njene inicijative sa 20. radne sjednice koja se odnosila na osiguravanje prednosti u javnim ustanovama bez čekanja u redu za porodice, odnosno roditelje, skrbnike djece sa poteškoćama u razvoju i za osobe sa težim invaliditetom., s obzirom da je odgovor dobila samo od Ministarstva zdravstva, ovim putem poziva i apeluje i na ostala ministarstva da dostave odgovor odnosno da slijede ovaj pozitivan primjer za sve javne ustanove iz svojih resora. Podnijela je jednu inicijativu i jedno pitanje.

"Inicijativa se odnosi na ovaj ponovo aktuelan problem kojeg smo se već dotakli u toku današnje sjednice, tj problem zagađenosti zraka. Pa ja evo pokrećem inicijativu zaista da Vlada Kantona Sarajevo hitno oformi ekspertni tim koji će napraviti jednu dugoročnu strategiju dakle konkretne projekte i plan aktivnosti za rješavanje problema zagađenosti jer smatram da već sada moramo djelovati kako nam se naredne zime ne bi ponovio isti scenarij. Molim da odgovor na ovom dobijem blagovremeno. A drugo pitanje se odnosi na inicijativu koju sam tačno prije godinu dana uputila Ministarstvu saobraćaja Kantona Sarajevo za rješavanje problema sa kojim se vozači susreću prilikom vožnje iz pravca naselja Koševsko brdo, ulicom Jukićeva prema Vogošći, tj kod uključenja na magistralnu cestu M18. dakle poštujući trenutno važeću signalizaciju, znakove, prilikom vožnje iz pravca naselja Koševsko brdo, ulicom Jukićeva ne postoji mogućnost uključenja na cestu koja vodi ka Vogošći a da se pri tom ne načini prekršaj. Naime, na uključenju nalazi se saobraćajni znak zabrane skretanja, a na

drugom nailazimo na punu liniju. Veliki broj vozača na ovom mjestu svakodnevno čini prekršaje, uključivanjem na cestu preko pune linije, a posebno u jutarnjim i poslijepodnevним satima kada su evidentne velike gužve na ovom pravcu. Na ovaj način ugrožava se naravno bezbjednost svih učesnika u saobraćaju. Ja sam na ovu zastupničku inicijativu zaista blagovremeno dobila odgovor, još u mjesecu januaru od JP Ceste FBiH, u kojem je stajalo da će se vršiti rekonstrukcija i adekvatno priključeno, a na navedeno je trebalo biti završeno u toku 2016 godine. Pa evo, evidentno je da smo na kraju 2016 a nije ništa urađeno po ovom pitanju, pa ja ponovo upućujem pitanje Ministarstvu saobraćaja, kada će se konačno i na koji način ovaj problem riješiti".

Poslanik/zastupnik Amar Dovadžija je svoju inicijativu predao u pisanoj formi.

Poslanik/zastupnik Eldar Čomor je postavio dva pitanja: "Prvo je pitanje za Ministarstvo zdravstva. Koliki je trenutni broj timova porodične medicine po svakoj OJ u okviru JU Domovi zdravlja Kantona Sarajevo? A s druge strane koliki bi broj trebao biti na bazi standarda u zdravstvu? I drugo pitanje je za Upravu za inspekcijske poslove Kantona Sarajevo. Šta je Uprava za inspekcijske poslove poduzela po pitanju nelegalnog rada Kamenoloma Lokve i nelegalne eksploatacije sirovina na Ormanju, lokacija Pandurice, Općina Hadžići?"

Poslanik/zastupnik Mirza Čelik je podnio sljedeće inicijative:

" Kako je na prethodnim sjednicama Skupština Kantona Sarajevo nije dala saglasnost na Izvještaj o radu i finansijskom poslovanju Fonda Kantona Sarajevo za izgradnju stanova i Kantonalnog stambenog fonda u skladu sa odlukama o osnivanju ovih fondova pokrećem inicijativu za smjenu UO. Iz ovog razloga upućujem inicijativu da Vlada Kantona Sarajevo pokrene proceduru smjene oba UO, raspisivanje konkursne procedure i imenovanje novog sastava istih.

Druga inicijativa je prema Vladi također za podršku inicijativi kreditnog zaduženja KJP PD Butmir doo Sarajevo Ilidža. Prema saznanjima koja imamo uprava preduzeća KJP PD Butmir već je poduzela inicijativu prema svojim organima upravljanja radi odobravanja kreditnog zaduženja preduzeća u cilju prevazilaženja već duži period prisutnog problema nelikvidnosti finansijskog poslovanja. Naime, kao što je evidentno iz izvještaja o finansijskom poslovanju preduzeća za 2015 godinu neizmirene obaveze prema radnicima preduzeća i dobavljačima iznosile su prema 1 milion KM. Prema trenutnim pokazateljima uspostavljena je redovna isplata plaća sa pripadajućim porezima i doprinosima a ranija dugovanja po osnovu ne uplaćenih poreza i doprinosa regulisana su reprogramom duga sa poreznom upravom na otplatni rok od 36 mjeseci, kojeg se preduzeće uredno i pridržava. Međutim, i pored prisutnog trenda povećanja vlastitog prihoda po osnovu prodaje vlastitih proizvoda preduzeća uslijed neredovnosti isplate podsticaja u tekućoj godini, isplaćena svega u dva kvartala federalnog podsticaja, te od opterećenja nastalog izmirenjem ranijih obaveza prema dobavljačima, pri čemu je vrlo značajno spomenuti prisustvo blokade računa preduzeća radi izvršenja presuda zbog dugovanja iz ranijih perioda. Preduzeće će prema trenutnim pokazateljima u narednu godinu prenijeti približno 700.000 KM neizmirenih obaveza prema dobavljačima. Obzirom na gore navedeno potpuno je jasno da će i primjenom novog zakona o finansijskom poslovanju koji će se početi primjenjivati od 01.01.2017. dovesti preduzeće u ovakvu situaciju i donijeti nove probleme i dodatno otežati svakodnevno poslovanje. Stoga u potpunosti podržavam prijedlog kreditnog zaduženja od 700.000 KM na otplatni period i mjesečnu ratu kredita koje neće ugroziti redovno poslovanje preduzeća a koje će biti usmjereno na izmirenje ranijih obaveza prema dobavljačima i u svrhu omogućavanja dosljedne primjene Zakona o finansijskom poslovanju. Radi svega navedenog iniciram na upravljačke strukture preduzeća hitno preduzmu sve potrebne aktivnosti kako bi se o kreditnom zaduženju mogle očitovati Vlada i Skupština Kantona Sarajevo".

Poslanik/zastupnik Goran Akšamija je postavio pitanje prema Ministarstvu zdravstva:

"da li će Ministarstvo zdravstvo u odgovoru sa ZZO Kantona Sarajevo početi priznavati troškove upotrebe automatskih šivača, staplera, prilikom izvođenja teških operativnih zahvata koji se uglavnom koriste u liječenju malignih oboljenja, u cilju boljih rezultata i smanjenja

postotka komplikacija u samom toku hirurškog liječenja. Obrazloženje: ovu inicijativu pokrenuo sam prije par mjeseci u ovoj istoj Sali bez ikakvih rezultata. Činjenica je da upotrebu ovog potrošnog materijala snose sami pacijenti prilikom dolaska na liječenje a cijena je za većinu neprihvatljiva, te pacijenti od kojih većina nije u mogućnosti uplatiti iznos akontacije dolaze u situaciju da se zadužuju u onako teškoj situaciji obzirom na prirodu same bolesti, a dio njih i napušta zdravstvene ustanove i odustaje od daljeg liječenja. Smatram da ovu inicijativu treba što hitnije podržati i planirati kroz finansijske planove ZZO a što ujedno i garantuje i Zakon o zdravstvenom osiguranju FBiH, o besplatnom liječenju malignih oboljenja. Pokrećem inicijativu da se ova ostavka uvrsti u postojeće ili posebno donesu Uredbu o ostvarivanju prava na korištenje ovih medicinskih sredstava u liječenju ovih oboljenja. Želim napomenuti još da sva savremena hirurška načela preferiraju upotrebu ovih aparata, a također na ovaj način sa nepriznavanjem troškova koči se i razvoj mikroinvazivne hirurgije koja se danas radi u cijelom svijetu i naravno s tim i naša reforma zdravstva kasni u ovom segmentu".

Poslanica/zastupnica Sabina Ćudić je uputila svoje pitanje Ministarstvu zdravstva Kantona Sarajevo kao i Zavodu za informatiku i statistiku Kantona Sarajevo "i tiče se statistika vezano za oboljenja disajnih organa kod djece u Kantonu Sarajevo u ovom periodu. Dakle u zimskom periodu u Kantonu Sarajevo. Kako ove godine tako u proteklih pet godina. Konkretno moje pitanje koliko je djece ove godine evidentirano da je primalo terapiju zbog respiratornih upala u Kantonu Sarajevo? Prema anegdotalnim podacima kojim baratamo, dakle ono što smo iz medija saznali od samih pedijatara i u ličnim intervjuima koje smo radili sa pedijatrima, neki pedijatri smatraju da trenutno u Kantonu Sarajevo postoji epidemija oboljenja disajnih puteva kod djece, na šta svakako jedan od uzročnika jeste svakako i zagađenje zraka. Obzirom na alarmantno visoke emisije PM 10 čestica i generalno ekstremnu zagađenost zraka u Kantonu Sarajevo, interesuje nas, postavljam ovo pitanje zato što smatram da je u interesu javnosti objavljivanje ove statistike ukoliko ona postoji. Također statistika iz prethodnih pet godina bi nam dodatno koristila kako bi smo kreirali naravno programe na osnovu ovih brojeva prevencije ovih oboljenja kod djece, trenutno su hiljade djece u Kantonu Sarajevo na terapiji kortikosteroidima koji kao što svi pedijatri znaju dugoročno mogu imati štetne posljedice za djecu i smatramo da nije dugoročno rješenje problema ova vrsta naravno terapije decenijama u Sarajevu radi zagađenja zraka pa nas naravno interesuju preventivne mjere koje će poduzeti ministarstvo zdravstva Kantona Sarajevo. Znači, molim da Ministarstvo zdravstva i zavod za informatiku odgovore na ovo pitanje i dostave nam u pismenom obliku ove podatke".

Poslanik/zastupnik Kemal Ademović je pokrenuo inicijativu: "da kantonalno Ministarstvo saobraćaja, komunikacija Sarajevo poduzme potrebne aktivnosti u cilju uspostavljanja normalnog režima saobraćaja kombi prijevoza na relaciji Latinska Ćuprija Širokača i time konačno riješi pitanje prijevoza stanovnika MZ Soukbunar u Opštini Centar a što je gorući problem sugrađana navedenog dijela MZ. Naime, kombi prijevoz na ovoj relaciji u posljednjih godina saobraćaja samo d o podnevnih sati čime su stanovnici ovog dijela naše općine u potpuno saobraćajno odsječeni od svih dijelova grada i prisiljeni pješачiti ili plaćati druga prevozna sredstava i pored činjenice da uredno posjeduju kupone za javni gradski prijevoz. Smatram da bi obavezno trebalo tražiti da posljednji kombi tokom svakog dana bude do 23 sata.

Pitanja se odnose na sljedeće:

Na osnovu člana 29. stav (5) Zakona o osnovama sigurnosti saobraćaja na cestama u Bosni i Hercegovini ("Službeni glasnik BiH", br. 6/06, 75/06, 44/07, 84/09, 48/10 i 18/13), ministar komunikacija i prometa Bosne i Hercegovine je donio Pravilnik o obilježavanju vozila kojim upravlja lice sa invaliditetom ili kojim se prevozi lice sa invaliditetom.

Ovaj Pravilnik je stupio snagu 25. novembra 2015.godine.

Moja pitanja su sljedeća:

1. Da li je proces zamjene starih oznaka pristupačnosti priveden kraju? I ako nije, kada se očekuje da će se proces završiti, ustvari da li postoji neki krajnji rok za zamjenu?
2. Da li Ministarstvo unutrašnjih poslova može putem javnih emitera (barem putem naše Televizije Kantona Sarajevo) uputiti javni poziv svim korisnicima znaka pristupačnosti da

zamjene iste i također obavijestiti javnost da je jedini validni znak pristupačnosti ovaj koji se trenutno izdaje i pokazati sliku istog?

Obrazloženje:

Koliko sam obaviješten, na adrese korisnika (lica sa invaliditetom koji su posjedovali ranije znak pristupačnosti) MUP Kantona Sarajevo po mjestu prebivališta je poslao poziv za zamjenu starog znaka, sa napomenom da je krajnji rok za zamjenu juni 2016.godine.

No, kako se po gradu još uvijek mogu vidjeti različiti oznake na automobila poput međunarodnog znaka invalida, starih znakova pristupačnosti itd. što uveliko zbunjuje policajce, radnike na parkinzima, obezbjeđenjima u javni ustanovama, a posebno bolnicama i zdravstvenim ustanovama i dovodi nerijetko do neželjnih ekscesa, smatram da bi bilo potrebno da MUP Kantona Sarajevo javno obznani jedini validni znak pristupačnosti koji ima prava korištenja obilježenih parking mjesta za lica sa invaliditetom".

Uputio je svoj komentar "u povodu naručenih neistinitih natpisa u pojedinim medijima „Ademović na sve načine pokušava spriječiti održavanja Skupštine na temu nerazjašnjenih ubistava“ imam potrebu reći sljedeće: ni na koji način nisam niti imam namjeru uticati na održavanje Skupštine na tu temu. Pored toga odbacujem bilo kakvu umiješanost u ubistvo bilo koga i gnušam se na samu pomisao na takvo što. Svaka špekulacija mojim imenom u tom kontekstu tvrdim predstavlja laž, rekonstrukciju usmjerenu na moju kompromitaciju i uklanjanje iz javnog života. Spletkarošima poručujem da neće uspjeti u tom svom naumu. Fašizam je pobijeđen ali Gebelsova metodologija je preživjela i ona se koristi u ovom 21. stoljeću više nego ikada".

AD – 2.

PRIJEDLOG BUDŽETA KANTONA SARAJEVO ZA 2017. GODINU

Prijedlog budžeta poslanici su dobili uz poziv za sjednicu.

Uvodno izlaganje o ovoj tački dnevnog reda podnio je ministar Jasmin Halebić.

U svom izlaganju osvrnuo se i na amandmane koje su uputili: Segmedina Srna Bajramović, Predrag Kojović, Muhamed Kozadra i Hamed Aljović.

Skupštini Kantona Sarajevo obratio Fikret Zuko, predsjednik Koordinacionog odbora udruženja osoba sa invaliditetom Kantona Sarajevo.

U postavljanju pitanja učestvovali su: Mirza Čelik, Semir Halilović, Eldar Čomor, Predrag Kojović, Zvonko Marić, Ana Babić i Mirsad Pindžo.

Ministri Jasmin Halebić i Muharem Šabić su na sva postavljena pitanja dali opširne odgovore. Poslanik/zastupnik Mirsad Pindžo je kao kao šef kluba zastupnika zatražio pauzu kako bi se razmotrio materijal Vlade.

PAUZA 15 MINUTA

NASTAVAK NAKON PAUZE

Ministar Jasmin Halebić obavjestio prisutne da je i Vlada Kantona iskoristila ovu pauzu i održala jednu vanrednu sjednicu u kojoj su izvršili korekciju dva amandmana u smislu opisa stavki koje su ponuđene u tim amandmanima tako da je Amandman V izmijenjen i on sada glasi „Otkup prihvatilišta pasa litalica“ riječ Prača se izostavlja „u iznosu od 1000 KM“. Smatra da se time dobija fleksibilnost i nesmetanu provedbu ove ideje u skladu sa javnim nabavkama. Što se tiče drugog amandmana, to je korekcija amandmana 12 pozicija „podrška opremanju dvorane ili dvorana za organizaciju EYOF-a 2019 sa iznosom od 301.000 KM, se mijenja u „Podršku projektima a u vezi sa organizacijom EYOF 2019 godine“ sa iznosom od 301.000

KM. Smatramo da se mijenjanjem ovog opisa zapravo dobiva veći obuhvat i veća fleksibilnost za organizaciju onih aktivnosti koje budu u programu rada. Neka njegova verzija već i postoji, EYOF-a, predviđene, pa tako ne bi smo ovu poziciju samo fokusirali samo na dvorane nego i za druge projekte koji budu u samoj implementaciji EYOF-a predviđeni za implementiranje. Vi ćete dobiti evo sada vjerovatno kolegica dijeli ove korigovane amandmane sa vanredne sjednice Vlade Kantona.

U raspravi koja je uslijedila uzeli su učešće: Predrag Kojović, Mirsad Pindžo, Segmedina Srna Bajramović i Zvonko Marić.

Po zaključenju rasprave Predsjedateljica je završnu riječ dala ministru Jasminu Halebiću.

Predsjedateljica je uputila pitanje Segmedini Srni da li ostajete pri amandmanima?

Poslanica/zastupnica Segmedina Srna Bajramović je uz obrazloženje ostala pri amandmanu.

Pristupilo se izjašnjavanju o amandmanu zastupnice Segmedine Srne bajramović

ZA JE GLASALO 12 ZASTUPNIKA, PROTIV ništa i SUZDRŽANO 18 .

Predsjedateljica je konstatirala da Skupština nije prihvatila Amandman Zastupnice Segmedine Srne Bajramović.

Muhamed Kozadra je odustao od svog amandmana.

Predsjedateljica je pozvala zastupnika Kojovića da se izjasni da li ostaje kod predloženih amandmana.

Zastupnik Predrag Kojović je ostao kod amandmana broj VI, dok je od ostalih amandmana odustao.

Pristupilo se izjašnjavanju o ovom amandmanu.

Za je glasalo 6 zastupnika, protiv ništa i suzdržano 24.

Predsjedavajuća je konstatirala da skupština nije prihvatila ovaj amandman.

Pristupilo se izjašnjavanju o Prijedlogu budžeta Kantona Sarajevo za 2017 godinu

Za je glasalo 25 zastupnika, protiv 4 i suzdržano 1.

Predsjedavajuća je konstatirala da Skupština Kantona Sarajevo usvojila Budžet za 2017.godinu.

AD – 3.

PRIJEDLOG ZAKONA O IZVRŠAVANJU BUDŽETA KANTONA

Prijedlog zakona poslanici su dobili uz poziv za sjednicu,

Kratko izlaganje o ovoj tački podnio je ministar Halebić.
Kako nije bilo pitanja i rasprave pristupilo se izjašnjavanju.

ZA JE GLASALO 25 ZASTUPNIKA, PROTIV ništa I SUZDRŽANO 5.

Predsjedateljica je konstatirala da je Skupština donijela ZAKON O IZVRŠAVANJU BUDŽETA KANTONA za 2017. godinu

Nastupila je pauza za ručak

NASTAVAK NAKON PAUZE

AD – 4.

PRIJEDLOG ZAKONA O INSPEKCIJAMA KANTONA SARAJEVO

Prijedlog zakona zastupnici su dobili uz poziv za ovu sjednicu.

Uvodno izlaganje podnio je ministar Mario Nenadić.

U raspravi koja je uslijedila uzeo je učešće: Rasim Lakota

Pristupilo se izjašnjavanju o PRIJEDLOGU ZAKONA O INSPEKCIJAMA KANTONA SARAJEVO

ZA JE GLASALO 25 ZASTUPNIKA, PROTIV ništa I SUZDRŽANO ništa.

Predsjedateljica je konstatirala da je Skupština donijela ZAKONA O INSPEKCIJAMA KANTONA SARAJEVO

AD – 5.

PRIJEDLOG ODLUKE O IZMJENAMA ODLUKE O OSNIVANJU KJU "DISCIPLINSKI CENTAR ZA MALOLJETNIKE"

Prijedlog odluke poslanici su dobili kao dopunski materijal.

Uvodno izlaganje podnijela je ministrica Amela Dautbegović.

U raspravi koja je uslijedila učestvovali su: Mirsad Pindžo i Ministrica Amela Dautbegović.

Ministrica Amela Dautbegović je zatražila 5-to minutnu pauzu kako bi Vlada zauzela svoj stav o raspravi.

Dok Vlada usaglašava stav po prethodnoj raspravi predsjedateljica je prešla na narednu tačku dnevnog reda

AD - 6.

PRIJEDLOG ODLUKE O DAVANJU SAGLASNOSTI NA PLAN VLADE KANTONA SARAJEVO O TRAJNOM STAMBENOM ZBRINJAVANJU FIZIČKIH LICA ČIJI SU STAMBENI OBJEKTI POTPUNO UNIŠTENI ILI ZBOG OŠTEĆENJA NISU ZA STANOVANJE NA PODRUČJU OPĆINE VOGOŠĆA, PUTEM KUPOVINE STAMBENIH JEDINICA.

Prijedlog odluke zastupnici su dobili kao dopunski materijal.

Uvodno izlaganje o ovoj tački podnio je Ministar Čedomir Lukić.

U raspravi su učestvovali sa pitanjima Predrag Kojović i odgovorima Ministar Čedomir Lukić.

Pristupilo se izjašnjavanju o PRIJEDLOGU ODLUKE O DAVANJU SAGLASNOSTI NA PLAN VLADE KANTONA SARAJEVO O TRAJNOM STAMBENOM ZBRINJAVANJU FIZIČKIH LICA

ČIJI SU STAMBENI OBJEKTI POTPUNO UNIŠTENI ILI ZBOG OŠTEĆENJA NISU ZA STANOVANJE NA PODRUČJU OPĆINE VOGOŠĆA, PUTEM KUPOVINE STAMBENIH JEDINICA.

ZA JE GLASALO 24 ZASTUPNIKA, PROTIV ništa SUZDRŽANO 3.

Predsjedateljica je konstatirala da je Skupština donijela ovu Odluku.

Uslijedio je nastavak tačke AD-5

Ministrica Amela Dautbegović je obrazložila stav Vlade Kantona Sarajevo.

Pristupilo se izjašnjavanju o PRIJEDLOGU ODLUKE O IZMJENAMA ODLUKE O OSNIVANJU KJU "DISCIPLINSKI CENTAR ZA MALOLJETNIKE".

ZA JE GLASALO 23 ZASTUPNIKA, PROTIV 5 I SUZDRŽANO ništa.

Predsjedateljica je konstatirala da je Skupština donijela ovu Odluku.

AD -7.

PRIJEDLOG PROGRAMA RADA SKUPŠTINE KANTONA SARAJEVO ZA 2017. GODINU

Prijedlog programa rada za 2017. godinu zastupnici su dobili u dopunskom materijalu.

Prijedlog programa rada Skupštine za 2017.godinu utvrdio je Kolegij Skupštine, a na osnovu Nacrta programa rada Vlade koji je osnov za pravljenje Programa rada Skupštine.

U raspravi su učestvovali: Mirsad Pindžo, Mirza Čelik, Dževad Rađo i Sekretar Skupštine Almira Kulovac Šetkić

Pristupilo se izjašnjavanju o Prijedlogu programa rada Skupštine Kantona Sarajevo za 2017. Godinu, čiji je sastavni dio amandman zastupnika Dževada Rađe.

ZA JE GLASALO 19 ZASTUPNIKA, PROTIV 7 SUZDRŽANO ništa.

Presjedateljica je konstatirala da je Skupština usvojila Program rada Skupštine Kantona Sarajevo za 2017. godinu.

AD – 8.

PRIJEDLOG ODLUKE O DAVANJU SAGLASNOSTI NA PROGRAM RADA JU „SLUŽBA ZA ZAPOŠLJAVANJE KANTONA SARAJEVO“ SARAJEVO ZA 2017. GODINU

AD-9

PRIJEDLOG ODLUKE ODAVANJU SAGLASNOSTI NA FINANSIJSKI PLAN JU „SLUŽBA ZA ZAPOŠLJAVANJE KANTONA SARAJEVO“ SARAJEVO ZA 2017. GODINU I ODLUKU O IZVRŠAVANJU FINANSIJSKOG PLANA JU „SLUŽBA ZA ZAPOŠLJAVANJE KANTONA SARAJEVO“ SARAJEVO ZA 2017. GODINU.

Prijedlog odluka zastupnici su dobili uz poziv za sjednicu. Predsjedateljica je predložila da se tačke AD-8 i AD-9 razmatraju zajednički a da glasanje bude pojedinačno što su prisutni zastupnici prihvatili jednoglasno.

Uvodno izlaganje podnijela je ministrica Amela Dautbegović.

U raspravi koja je uslijedila učestvovali su : Semir Halilović, Edin Forto, Zvonko Marić, Direktor Zavoda za zapošljavanje Kantona Sarajevo,Rasim Lakota,Eldar Čomor i Sejo Bukva

Po zahtjevu zastupnika pristupilo se pojedinačnom izjašnjavanju o PRIJEDLOGU ODLUKE O DAVANJU SAGLASNOSTI NA PROGRAM RADA JU „SLUŽBA ZA ZAPOSŁJAVANJE KANTONA SARAJEVO“ SARAJEVO ZA 2017. GODINU.

P.O. Sekretar Almira Kulovac Šetkić:

1. Ademović Kemal – ZA
2. Akšamija Goran - PROTIV
7. Aljović Hamed – ZA
8. Dizdarević Neira - PROTIV
9. Babić Ana – ZA
10. Bajrović Izudin - ZA
11. Bjelak Nermin - ZA
12. Bukva Sejo - PROTIV
13. Čelik Mirza - ZA
14. Čomor Eldar - ZA
15. Ćudić Sabina - PROTIV
16. Delalić Sabahudin –ZA
17. Dovadžija Amar – OPRAVDANO ODSUTAN
18. Filipović Selma – ODSUTNA
19. Forto Edin - PROTIV
20. Halilović Semir - ZA
21. Kerla Bibija – OPRAVDANO ODSUTNA
22. Kojović Predrag - PROTIV
23. Kozadra Muhamed – OPRAVDANO ODSUTAN
24. Lakota Rasim - ZA
25. Marić Zvonko - ZA
26. Mašović Amor - ZA
27. Mekić Amel – ZA
28. Mešanović Safet - ZA
29. Mehmedagić Mersiha – PROTIV
30. Okerić Elvedin – ZA
31. Pecikoza Fahrudin - ODSUTAN
32. Pindžo Mirsad - PROTIV
33. Pleho Haris - ZA
34. Prevljak Fikret - ZA
35. Rađo Dževad - ZA
36. Smajić Rasim - ZA
37. Srna-Bajramović Segmedina – OPRAVDANO ODSUTNA
38. Šućur Slaviša - ODSUTAN
39. Vukasović Mario – OPRAVDANO ODSUTAN

ZA JE GLASALO 19 ZASTUPNIKA, PROTIV 8 SUZDRŽANO ništa.
Predsjedateljica je konstatovala da je Skupština usvojila ovu Odluku.

Pristupilo se glasanju o PRIJEDLOGU ODLUKE O DAVANJU SAGLASNOSTI NA FINANSIJSKI PLAN JU „SLUŽBA ZA ZAPOSŁJAVANJE KANTONA SARAJEVO“ SARAJEVO ZA 2017. GODINU I ODLUKU O IZVRŠAVANJU FINANSIJSKOG PLANA JU „SLUŽBA ZA ZAPOSŁJAVANJE KANTONA SARAJEVO“ SARAJEVO ZA 2017. GODINU.

Traženo je pojedinačno izjašnjavanje, te je p.o. sekretar Skupštine obavila pojedinačno prozivanje zastupnika

P.O. Sekretar Almira Kulovac Šetkić:

1. Ademović Kemal – ZA
2. Akšamija Goran - PROTIV
3. Aljović Hamed – ZA
4. Dizdarević Neira - PROTIV
5. Babić Ana – ZA
6. Bajrović Izudin - ZA
7. Bjelak Nermin - ZA
8. Bukva Sejo - PROTIV
9. Čelik Mirza - ZA
10. Čomor Eldar - ZA
11. Ćudić Sabina - PROTIV
12. Delalić Sabahudin –ZA
13. Dovadžija Amar – OPRAVDANO ODSUTAN
14. Filipović Selma – ODSUTNA
15. Forto Edin - PROTIV
16. Halilović Semir - ZA
17. Kerla Bibija – OPRAVDANO ODSUTNA
18. Kojović Predrag - PROTIV
19. Kozadra Muhamed – OPRAVDANO ODSUTAN
20. Lakota Rasim - ZA
21. Marić Zvonko - ZA
22. Mašović Amor - ZA
23. Mekić Amel – ZA
24. Mešanović Safet - ZA
25. Mehmedagić Mersiha – PROTIV
26. Okerić Elvedin – ZA
27. Pecikoza Fahrudin - ODSUTAN
28. Pindžo Mirsad - PROTIV
29. Pleho Haris - ZA
30. Prevljak Fikret - ZA
31. Rađo Dževad - ZA
32. Smajić Rasim - ZA
33. Srna-Bajramović Segmedina – OPRAVDANO ODSUTNA
34. Šućur Slaviša - ODSUTAN
35. Vukasović Mario – OPRAVDANO ODSUTAN

Predsjedateljica:

19 ZA, PROTIV 8 I SUZDRŽANO NIŠTA.

Predsjedateljica je konstatirala da je Skupština usvojila ovu Odluku.

AD – 10.

PRIJEDLOG ODLUKE O DAVANJU SAGLASNOSTI NA IZMJENE I DOPUNE FINANSIJSKOG PLANA ZAVODA ZDRAVSTVENOG OSIGURANJA KANTONA SARAJEVO ZA 2016. GODINU I ODLUKU O IZMJENAMA I DOPUNAMA ODLUKE O IZVRŠAVANJU FINANSIJSKOG PLANA ZAVODA ZDRAVSTVENOG OSIGURANJA KANTONA SARAJEVO ZA 2016. GODINU

Uvodno izlaganje podnijela je ministrica Zilha Ademaj.

U raspravi koja je uslijedila učestvovali su: Zvonko Marić, Goran Akšamija, Edin Forto i Direktor ZZO Kantona Sarajevo Samir Turković.

Pristupilo se izjašnjavaњу o PRIJEDLOGU ODLUKE O DAVANJU SAGLASNOSTI NA IZMJENE I DOPUNE FINANSIJSKOG PLANA ZAVODA ZDRAVSTVENOG OSIGURANJA KANTONA SARAJEVO ZA 2016. GODINU I ODLUKU O IZMJENAMA I DOPUNAMA ODLUKE O IZVRŠAVANJU FINANSIJSKOG PLANA ZAVODA ZDRAVSTVENOG OSIGURANJA KANTONA SARAJEVO ZA 2016. GODINU.

ZA JE GLASALO 22 ZASTUPNIKA, PROTIV 3 SUZDRŽANO ništa.

Predsjedateljica je konstatirala da je Skupština usvojila ovu Odluku.

AD – 11.

PRIJEDLOG ODLUKE O DAVANJU SAGLASNOSTI NA PROGRAM RADA ZAVODA ZDRAVSTVENOG OSIGURANJA KANTONA SARAJEVO ZA 2017. GODINU

AD-12

PRIJEDLOG ODLUKE O DAVANJU SUGLASNOSTI NA FINANSIJSKI PLAN ZAVODA ZDRAVSTVENOG OSIGURANJA KANTONA SARAJEVO ZA 2017 GODINU I ODLUKU O IZVRŠAVANJU FINANSIJSKOG PLANA ZAVODA ZDRAVSTVENOG OSIGURANJA KANTONA SARAJEVO

Predsjedateljica je predložila a zastupnici prihvatili da se tačke AD-11 i AD-12 razmatraju zajedno a glasanje će se odvijati pojedinačno.

Uvodno izlaganje podnijela je ministrica Zilha Ademaj.

U raspravi koja je uslijedila učešće su uzeli: Edin Forto, Goran Akšamija, Zvonko Marić i Ministrica Zilha Ademaj.

Pristupilo se izjašnjavaњу o PRIJEDLOGU ODLUKE O DAVANJU SAGLASNOSTI NA PROGRAM RADA ZAVODA ZDRAVSTVENOG OSIGURANJA KANTONA SARAJEVO ZA 2017. GODINU .

ZA JE GLASALO 21 ZASTUPNIK, PROTIV ništa SUZDRŽANO 6.

Predsjedateljica je konstatirala da je Skupština usvojila ovu Odluku

Pristupilo se izjašnjavaњу o PRIJEDLOGU ODLUKE O DAVANJU SAGLASNOSTI NA FINANSIJSKI PLAN ZAVODA ZDRAVSTVENOG OSIGURANJA KANTONA SARAJEVO ZA 2017. GODINU I ODLUKU O IZVRŠAVANJU FINANSIJSKOG PLANA ZAVODA ZDRAVSTVENOG OSIGURANJA KANTONA SARAJEVO ZA 2017. GODINU.

ZA JE GLASALO 21 ZASTUPNIKA, PROTIV ništa SUZDRŽANO 5.

Predsjedateljica je konstatirala da je Skupština usvojila ovu Odluku.

AD – 13.

PROGRAM RADA I FINANSIJSKI PLAN ZA 2017.GODINU:

- a) JU "Kantonalni centar za socijalni rad";
- b) KJU "Disciplinski centar za maloljetnike";
- c) KJU Dom za djecu bez roditeljskog staranja;
- d) KJU "Dom za socijalno zdravstveno zbrinjavanje osoba sa invaliditetom i drugih osoba";
- e) KJU "Gerontološki centar";
- f) JU Terapijska zajednica – Kampus Kantona Sarajevo;

g) KJU "Porodično savjetovalište

Ministar Jasmin Halebić je ispred Vlade Kantona Sarajevo povukao ovu tačku dnevnog reda.

AD – 14.

INFORMACIJA O STEPENU REALIZACIJE SKUPŠTINSKIH ZAKLJUČAKA ZA ČIJU JE REALIZACIJU ZADUŽENA VLADA KANTONA SARAJEVO

O ovoj tački nije bilo prijavljenih diskutanata.

Rad sjednice završen u 18,53 sati

Zapisnik izradio

Emir Nalbantić

Po ovlaštenju

SEKRETAR

SKUPŠTINE KANTONA SARAJEVO

Almira Kulovac Šetkić, dipl. pravnik

PREDSJEDATELJICA

SKUPŠTINE KANTONA SARAJEVO

Prof. Ana Babić